



DEO OPTIMO MAX.
UNI ET TRINO.



VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBETARIIS DISPUTATIONIBUS
manè discutienda, in Scholis Medicorum, die Martis quarto
Martii, anni M. DCC. XXXVIII.

M. ELIA COL DE VILARS.
Doctore Medico, Præsidente.

An Leucophlegmatia, leves Scarificationes ?

I.



ACHINAM humanam format unicum vas multifidum, quod,
ut diametro, sic & nomine varium. Per ejus ramos, licet sub
finem stupendæ tenuitatis, varii generis Fluida, perenni motu
aguntur, teuantur, discernuntur. Magna enascens è Corde
Arteria, innumeros spargens furculos, ad omnes Corporis par-
tes Sanguinem pellendo vehit, quem excipiunt duplicis spe-
ciei vasa; Venæ, scilicet, sanguineæ & Arteriæ lymphaticæ. Has longè nu-

A

merosiores, promissiores, minores, subit Lympha, sive alba cruoris portio, denegato rubris ipsius globulis, utpotè crassioribus, aditu; qui quidem globuli, urgente Cordis & Arteriarum systole, Venarum radices immediatè inire coguntur, Cor iterum petituri. Lympha verò secretionum omnium materies, Arterias suas emensa, sepositis diversis secernendis succis, à Venis lymphaticis hauritur, ad Cor itidem devehenda. Si quæ autem pars, maximè Corporis ambitus lymphaticis vasculis scatet. Cutem intra, & adiposi Corporis cellulas, mirabile horumcè tubulorum rete expansiatur, quod oculis jucundè manifestant injectiones. Quò facillior foret & citior revehendi cruoris ad commune principium regressus, opus erat ipsi occurrere duplex via, quam suppeditant Venæ sanguineæ & lymphaticæ, ne Sanguinis circuitus tardaretur, sed fluxus in Arteriis celeritas, mediantibus utriusque generis Venis, compensaretur. Dùm liberè sit ille Liquidorum circuitus, viget sanitas. Ex illorum inordinatione, nascitur morbus; & sicut à cruoris stasi, Phlogoses, morbi acuti Phlegmone, Erysipelas, ac cæteri Tumores inflammatorii; sic & ab impedito Lymphæ cursu, Hydrops, Œdema, Leucophlegmatia. Sub hac Anasarca minis aptè dicta, tumet partium, præsertim inferiorum, universa cutis, albet, emollitur, laxatur; prementis digiti vestigium retinet. Sensim corrumpitur subsistens Liquidum, & funesta minatur symptomata, nisi maturè tollatur continens morbi causa.

I I.

QUEMADMODUM Cacochymia, Cachexia; sic Cachexia Leucophlegmatia plerùmque soboles; cujus causa proxima, stagnans Lympha, à Sanguinis mora, vel conglobatarum glandularum obstructione, oriunda. Progredienti verò Sanguini moras nectunt ipsius spissitudo, aquea diathesis, paucitas, vasorum ejus compressio, vel tandem à morbo Atonia superstes. Equo spissior Sanguis, Syalticam Cordis & Arteriarum vim recusans, segniter vibratur; tardi-gradus eructat Lympham, Tegumenta inundantem. Parem Lymphæ exundationem & stagnationem ab aquea Sanguinis diathesi, fibras laxante, expectes. Nec mirum si post Hæmorrhagias aliasque immodicas evacuationes, imminutà Sanguinis mole, deficiente sufficienti succi nervosi secretionem, languentibus proinde solidis, cruor inertius propulsus, suum deponat aqueum laticem, adiposum Corpus jam laxum & à Corde diffusum, irrigaturum. Similis contingit effusio Lymphæ, à vasorum sanguineorum compressione, ligatura. Compressis ab Utero iliicis gravidarum Venis, enascitur Crurum Œdema; à Vena, vel membro ligato, tumor Œdematosus. Haud quoque rara ab effectis à morbo viribus, Leucophlegmatia; etenim sub Atonia Corporis, fibrarum elaterem remitti; vasorum parietes considerare; Fluida deside procedere passu; Stomachum lassari; alimentorum solutionem depravari; Chylum malè subactum; Sanguini suppeditari, quid frequentius obvium? Nùm hac posita deflectione, laxata Tegumentorum cellula torpentibus aquis madcant, necessum habent? Hinc à morbo recreatis, Pedum, Crurum, Manuum, imo & Vultus Œdematosus Tumor familiarissimus. Eundem Tumorem à conglobatarum glandularum obstructione observare est; in his enim organicis partibus impactus obex, præpedità Lymphæ

transmissione, ipsius stagnationi præbet anam. Quot & quanta ex his moratoris causis futura mala! Diuturniori morâ acrior & vitiosior facta Lympha, teneros vasorum suorum parietes sensim laxando, comminuendo, laniando, effunditur. Hinc Hydatides, Abscessus serosi, Ulcera cacoetha, Gangræna, tandem mors. Ocyûs igitur vacuandæ sunt hebetes aquæ, ne corruptelam concipiant.

III.

RESTAGNANTEM in Leucophlegmatia Lympham non unica eliciendi via. Patet frequentior per Diuresin & Catharsin. Nonnunquam per Hydrosin, effusa carcere, sibi pandit iter. Idcirco in spissa Sanguinis diathesi & glandularum infarctu, Aperientia, Diuretica, Hydragoga, Mochlica, Hydrotica exhiberi, vaporisque Balnea & Hypocausta adhiberi solent; his siquidem remediis lenta tenuantur Fluida, referantur glandularum ergastula, per Renes facilius & copiosius secernitur serum; contrectata à Catharticis intestinorum glandulæ, Lympham fusius effundunt. Sic hauriuntur exundantes aquæ. Verùm quantâ morâ, quantis ægrotantium cruciatibus, quantâ totius Corporis macie, dubium illud beneficium obtingat, plura testantur exempla! Immò subit metus ne, eliminatâ à solo cruore Lymphâ, magis ac magis inspissetur sanguinea moles, consuetum ideò circuitum tardiùs absolutura; dùm interim madet Corporis peripheria. Quid est ergo cur hisce remediis diutiùs institeris? Cum facilliora, expeditiora & minùs tædiosa præsto sint alia auxilia; leves intellige Scarificationes, quibus cautè adhibitis, brevi cedit aqua intercus.

IV.

QUOD prosperè succédant Scarificationes, hæc potissimùm observanda veniunt. 1^o intacti remaneant musculi; ita ut mali sedes Ferro tantùm attingatur. Secùs madidiora subirent Ulcèra curatu difficiliora. Cutem igitur ad Corpus adiposum usque Lanceolâ scindere, & in quaque Crurum interna ac externa, Femorumve anteriori parte, duas tresve scarificationes, quatuor transversos circiter digitos longas; instituere sufficit. Totius Corporis ambitùs redundans humor, datâ hac eluvie, stillando profluat ex omnibus adiposis cellulis, utpotè sibi invicem communicantibus. 2^o tempestivè fiant incisiones. Erraret qui seriùs ad hoc confugeret præsidium. Diutiùs in Corpore resistans vel tenuissimum Liquidum, acorem ducit, fibrosum, flaccèssit Tegumentorum vel madidius textile; Nervorum extrema spirituoso ac vitali succo orbantur; vulnerata cutis, udior cicatrici repugnans, manante corripitur Ulcère, scæpissimè Sphacelo. Priusquàm ergo hæc inulta fuerit labes, & simul ac scæpiorum remedium vim eluserit morbus, minimè protelari, quin imò ipsis sociari amant Scarificationes. 3^o nulla sit in visceribus inveterata obstructio, nullus immedicabilis Scirrhus, nullum Ulcus, nec Scorbutus, Syphilis, Scrophulæ. Haud ab Atonia, Inedia, Hæmorrhagiâ, vel sub diuturniori ægritudine fatiscat æger. Sic confliktatus, Scarificationibus paulùm juvari, non verò sanari potest. 4^o peractâ operatione, Splenia Aquâ-vitæ camphoratâ, vel alia congruenti madida, fibrarum tonum instaurandi causâ, vulnusculis admoveantur. Effuso latice, citò coalescent.

QUID in Leucophlegmatia fausti sperandum à levibus Scarificationibus, neminem intento rem animo perpendentem fugit? Laxatæ adiposarum cellularum fibræ, exuberantibus undis liberatæ, pristinum elaterem, se se contrahendo, recuperare valent. Vasa omnia amissum tonum resumunt. Instaurantur Systaltici motus. Liquida validius urgentur. Secretiones & cæteræ functiones redintegranur. Sic detumescit & firmatur cutis. Ad boni contigisse, plus vice simplici observavimus. Si quâ arte, hac potissimum Chirurgiæ ægros sanitati reddendos certum est. Alia nihilominus haud improbamur medicamenta, quæ, quò Natura vergit magis, sive Diuresi, sive Catharsi, vel Diaphoresi, ferrosam colluviem eliminandi virtute polleant. Auxiliatrices manus sibi mutuò præstant Pharmacia & Chirurgia. Hæc tamen tutior est, citior & jucundior. Ex ipsamet affecta parte immoratum effundit Liquidum, quod nisi per longos, & sæpius impeditos trames, medicamentorum vel efficacissimis viribus, Secretoria peteret. At iterum monere juvat sedulò cavendum, ne jam flaccidæ partes ac depauperatæ scarificentur; si eas Gangrænæ minus obnoxias fore, velis. Nec aliis adacto Ferro laucientur muscoli, quos à putridis Ulceribus arceri satagis. Hæc neutiquam timenda veniunt, modò ægrotantibus adhuc consent vires, & ii deploratæ symptomatum sævitate nondum crucientur, nusquamve Corpus adiposum ultra pervadant sectiones.

Ergo Leucophlegmatie, leves Scarificationes.

DOMINI DOCTORES DISPUTATURI.

M. Antonius Casamajor.

M. Ludovicus le Hoc, Scholarum Professor, Consultarius Medicus Regis Ordinarius in ejus Castellato.

M. Hyacinthus-Theodorus Baron, Antiquus Facultatis Decanus & Rei Herbariæ Professor Designatus.

M. Raymundus de la Rivière.

M. Antonius-Nicolaus Gue-nauld.

M. Joannes-Franciſcus Cou-thier.

M. Franciscus-Josephus Hanauld, Chirurgiæ Professor, Regiæ Sciendarum Academiæ & Regiæ Societatis Londinensis Socius, in Horto Regio Anatomæ & Chirurgiæ Professor ac Demonstrator.

M. Paulus-Jacobus Malouin.

M. Joannes-Baptista Mongin, Medicus Regis Ordinarius.

Proponebat Parisiis, JOANNES MIDY, Lemovicus, Baccalaureus Medicus, A. R. S. H. 1738. à 6^a ad meridiem.